

საქართველოს პრეზიდენტის

ბრძანებულება №40

2024 წლის 15 თებერვალი

ქ. თბილისი

„საქართველოს პრეზიდენტის ადმინისტრაციის შესახებ“ საქართველოს პრეზიდენტის 2013 წლის 19 დეკემბრის №963 ბრძანებულებაში ცვლილების შეტანის თაობაზე

მუხლი 1.

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „საქართველოს პრეზიდენტის ადმინისტრაციის შესახებ“ საქართველოს პრეზიდენტის 2013 წლის 19 დეკემბრის №963 ბრძანებულებაში (www.matsne.gov.ge, 19.12.2013, 010210040.08.002.016900) შეტანილ იქნეს ცვლილება და ბრძანებულებით დამტკიცებული დებულების:

1. მე-4 მუხლი ჩამოყალიბდეს შემდეგი რედაქციით:

„მუხლი 4. ადმინისტრაციის სტრუქტურული ერთეულები

ადმინისტრაციის პირველადი სტრუქტურული ერთეულებია:

- ა) პროტოკოლის სამსახური;
- ბ) კომუნიკაციის სამსახური;
- გ) დაჯილდოების, მოქალაქეობისა და შეწყალების საკითხთა სამსახური;
- დ) იურიდიული სამსახური;
- ე) კორესპონდენციის მართვისა და მოქალაქეებთან ურთიერთობის სამსახური;
- ვ) ადამიანური რესურსების მართვის სამსახური;
- ზ) საფინანსო სამსახური;
- თ) შესყიდვების სამსახური;
- ი) ლოგისტიკისა და ღონისძიებების ორგანიზების სამსახური.“

2. მე-5 მუხლის მე-8 პუნქტი ჩამოყალიბდეს შემდეგი რედაქციით:

„8. ლოგისტიკისა და ღონისძიებების ორგანიზების სამსახურის ფუნქციებია:

- ა) ადმინისტრაციის ფუნქციონირების მატერიალურ-ტექნიკური უზრუნველყოფა;
- ბ) ადმინისტრაციული შენობის მიმდინარე და კაპიტალური შეკეთებისა და მასთან დაკავშირებული საპროექტო სამუშაოების, აგრეთვე საინჟინრო კომუნიკაციების, ტექნოლოგიური და სპეციალური დანიშნულების მოწყობილობების გამართული მუშაობის უზრუნველყოფის ზედამხედველობა კომპეტენციის ფარგლებში;
- გ) ადმინისტრაციის ბალანსზე რიცხული აქტივების კანონმდებლობით დადგენილი წესით აღრიცხვა, მართვა და ინვენტარიზაციის ჩატარების უზრუნველყოფა კანონმდებლობით დადგენილი წესით;
- დ) ადმინისტრაციის ბალანსზე რიცხული ავტოტრანსპორტის მართვა და ტექნიკური გამართულობის უზრუნველყოფა;



ე) ადმინისტრაციაში დაგეგმილი ღონისძიებების ორგანიზაციულ-ტექნიკური მხარდაჭერა კომპეტენციის ფარგლებში;

ვ) საჭიროების შემთხვევაში საბაჟო პროცედურების განხორციელების უზრუნველყოფა;

ზ) ადმინისტრაციის მიერ გასაცემი საჯარო ინფორმაციის ხელმისაწვდომობის უზრუნველყოფაში მონაწილეობა კომპეტენციის ფარგლებში;

თ) ადმინისტრაციის უფროსის სხვა დავალებების შესრულება.“.

3. მე-6 მუხლის მე-2 პუნქტი ჩამოყალიბდეს შემდეგი რედაქციით:

„2. სტრუქტურული ერთეულის ხელმძღვანელს შეიძლება ჰყავდეს მოადგილე ან მოადგილეები. ხელმძღვანელის არყოფნისას მის მოვალეობას ასრულებს ხელმძღვანელის მოადგილე ან ერთ-ერთი მოადგილე, რომლის ფუნქციაც განსაზღვრულია ხელმძღვანელის მოვალეობის შესრულება.“.

მუხლი 2

ეს ბრძანებულება ამოქმედდეს 2024 წლის 24 თებერვლიდან.

საქართველოს პრეზიდენტი

სალომე ზურაბიშვილი

